

淨土三要表解

(附法語)

蓮因寺  
大專學生齋戒學會  
恭印



# 淨土法門之殊勝

1. 契合末法根機：末法之後，彌陀經留世百年故。
2. 他宗修時，必須斷惑證真，乃可了生脫死。  
淨宗修持，惟在深信切願篤行，即得帶業往生。……（不更造業）
3. 三根普被——鈍：一句彌陀，驀地念去，不須理解博究。……（隨分而學）  
利：自性彌陀，唯心淨土。
4. 下手容易（但念彌陀）……（尊重而修）
5. 修持方便（隨時隨地可修）……（謹慎而修）
6. 穩當無錯（如空中飛人，下有接網，不致墜地傷亡。）……（老實而修）
7. 容易成就（一心而念，不須開悟證果。）……（不可輕率）
8. 當生成就（不須三祇）……（仍須勤修）
9. 成功相同（與最上乘同）……（事理一心）
10. 橫超直捷（心作、心是）……（自性彌陀）
11. 自力難、二力易（自他不二）……（以自感他）
12. 事實證明（末法時期得一心不亂，往生之人，較他宗悟證之人為多。）
13. 厭離娑婆（求了生死厭離五濁）
14. 求生極樂（如入最理想之佛學院、住最莊嚴之寺院道場）

## 念佛三昧摸象記擷錄

印光大師代他人作

歲在丙午，予掩關於慈谿之寶慶寺。謝絕世緣，修習淨業。值寺主延諦閑法師，講彌陀疏鈔于關傍。予遂效匡衡鑿壁故事，于關壁開一小竅。不離當處，常參講筵。

其樂：從茲念佛，愈覺親切。佛號一舉，妄念全消。透體清涼，中懷悅豫。直同甘露灌頂，醍醐沃心。其為樂也莫能喻焉。

客問：一日，有客詣關而問曰，念佛一法，吾已修持二十餘年。于生信發願修行，非不真切。而業深障重，終未能到一心不亂境界。窺吾根性，祇合帶業往生。雖念佛三昧非此生所敢冀。其能得之法，與所得之相，師其為我言之。予曰：三昧境相，唯證方了。如人飲水，冷暖自知。我既未證，焉能宣說。

其法：客固請不已。予曰，若論其法，必須當念佛時，即念返觀，專注一境，毋使外馳。念念照顧心源，心心契合佛體。返念自念，返觀自觀，即念即觀，即觀即念。務使全念即觀，念外無觀。全觀即念，觀外無念。觀念雖同水乳，尚未鞫到根源。須向者一念南無阿彌陀佛上，重重體究，切切提撕。越究越切，愈提愈親。及至力極功純，豁然和念脫落，證入無念無不念境界。

。所謂靈光獨耀，迴脫根塵。體露真常，不拘文字。心性無染，本自圓成，但離妄念，即如如佛者，此之謂也。工夫至此，念佛法得。感應道交，正好著力。

其相：其相如雲散長空，青天徹露。親見本來，本無所見。無見是真見，有見即隨塵。到此則山色溪聲，咸是第一義諦。鴉鳴鵲噪，無非最上真乘。活潑潑應諸法，而不住一法。光皎皎照諸境，而了無一物。

其用：語其用，如旭日之東升，圓明朗照。

其體：語其體，猶皓月之西落，清淨寂滅。即照即寂，即寂即照，雙存雙泯，絕待圓融。譬若雪覆千山，海吞萬派，唯是一色，了無異味，無罣無礙，自在自如。

其利：論其利益，現在則未離娑婆，常預海會。臨終則一登上品，頓證佛乘。唯有家裡人，方知家裡事，語于門外漢，遭謗定無疑。

## 開示念佛緊要語

諦閑大師

一、阿彌陀佛，誰不能念？而偏不易念；西方極樂，誰不願生？而罕得往生，蓋念佛之人，未得其訣耳。

二、教念佛而使之真切者，其唯死之一字歟！死之一字在念頭，則境緣自然冷淡，情愛亦自輕微。名利勢豪，向此處俱用不著。見聞知解，到此卻使不行。四大各離，將何所靠，孤魂無主，安得自由？

此時不見彌陀，恐逢羅刹，此時不入淨土，恐入驢胎。縱無惡業，亦不免人道往返，即有善因，其怎奈天福易盡。

三、莫云自有主宰，業果所牽，誠難迴避。莫道本無生死，識心未盡，總屬輪迴。

莫視此事為緩，明日之事，今日不知。莫將此事為輕，錯過此身，沉淪永劫。

四、視一切事，無如生死事大，則事事皆不切之事。於一切時，總作歸命終時，則時時皆念佛之時。如是念佛，斯為切心，如是切心，斯生淨土。須下死功夫，纔成淨業。常念死時節，方肯切心。

蓮因寺

大專學生齋戒學會 恭印

贈送本

恭敬法寶 版權所有 請勿翻印